



REPUBLIKA E
SHQIPËRISË
ENTI RREGULLATOR I ENERGJISË

LICENCË
PËR
VEPRIMTARINË E FURNIZIMIT TË ENERGJISË ELEKTRIKE

Seria: **F19**

Numri i Licencës: **437**

Data e hyrjes në fuqi: **Vendimi i Bordit të ERE-s Nr. 25, datë 28.02.2019**

Licenca i jepet: **“KESH” sh.a**

NUIS: **J61817005F**

Bazuar në autoritetin që i është dhënë në Pjesën e Pestë të Ligjit Nr. 43/2015 “Për Sektorin e Energjisë Elektrike”, Enti Rregullator i Energjisë (“ERE”) i jep këtë Licencë Furnizimi (“Licenca”), për të kryer aktivitetin e furnizimit të energjisë elektrike (FEE), Personit të lartpërmendur, i quajtur “I Licencuari”, subjekt i Kushteve të kësaj Licence si dhe kushteve të përcaktuara në Vendimin Bordit të ERE-s. Kjo Licencë hyn në fuqi në datën e shkruar më lart dhe do të vazhdojë të jetë në fuqi për një periudhë prej 5 (pesë) vjetësh, në rast se nuk hiqet nga ERE në përputhje me Kushtet e Licencës të përfshira këtu.

KRYETARI
Petrit AHMETI



Republika e Shqipërisë
Erti Rregullator i Energjisë

KUSHTET E LICENCËS
PËR
VEPRIMTARIJË E FURNIZIMIT TË ENERGJISË ELEKTRIKE

Seria: F18

Nr. i Licences 437

I jepet: **“KESH” sh.a**

1. Dispozita të Përgjithshme

1.1 ERE është autoriteti i vetëm në Republikën e Shqipërisë, i njohur në Seksionin II të Ligjit Nr. 43/2015 “Për Sektorin e Energjisë Elektrike” për të leshuar dhe deklaruar hyrjen në fuqi të kësaj Licënce.

1.2 Nëse ndonjë kusht i kësaj Licence bëhet nul ose i anullueshem apo pushon së qeni në fuqi, ky kusht do të hiqet nga Licëncja dhe Kushtet e mbetura të Licëncës do të vazhdojnë të jenë plotësisht në fuqi.

1.3 Asetet nuk mund të transferohen tek asnjë Person tjetër pa aprovimin paraprak me shkrim të ERE-s. Përrjashtim nga detyrimi për marrjen e miratimit të ERE për transferimin e aseteve, bëjnë rastet e parashikuara në “Rregulloren për transferimin e aseteve.” Kur aprovon një transferim, ERE mund ta ndryshojë kohëzgjatjen e Licëncës ose Kushtet e tjera të saj.

1.4. ERE ka të drejten ekskluzive për të modifikuar këtë licensë, në rast se kushtet dhe rrethanat kanë ndryshuar si dhe për të përmbushur dispozitat e Rregullave të Tregut, Kodit të Rrjetit, Kodit të Shpërndarje, Kodit të Matjes apo akteve të tjera nënligjore të miratuara nga ERE sipas Legjislacionit në fuqi.

1.5. Në këtë Licëncë përfshirë Kushtet e Licëncës dhe Anekset e saj, përveç kur konteksi e kërkon ndryshe, termat e përdorur do të kenë kuptimet sipas Ligjit Nr.43/2015 “Për Sektorin e Energjisë Elektrike”, si vijon:

“Operator i Rrjetit” është operatori i sistemit të transmetimit dhe/ose operatori i sistemit të shpërndarjes së energjisë elektrike.



“Person” është një person juridik.

“Shërbimi i balancimit” është sigurimi i kapacitetit rezervë i kontraktuar dhe/ose energjia elektrike balancuese, e përdorur nga Operatori i Sistemit të Transmetimit për të kryer balancimin.

“Biznesi Shoqërues” Çdo biznes që direkt ose indirekt, tërësisht ose pjesërisht:

- a) është pronë e të Licensuarit; ose
- b) ka të Licensuarin si pronësi; ose
- c) është në pronësi të Personit, i cili është pronë e të Licensuarit.

“Ndër-subvencionimet” Transferim fondesh ose ndarje kostosh brenda llogarive të të Licensuarit ose mes Bizneseve Shoqëruese për mbështetje financiare të një aktiviteti ose biznesi me koston e një tjetri.

2. Kryerja e Aktivitetit të Licensuar

2.1 I Licensuari autorizohet nga kjo Licencë për të zhvilluar Aktivitetin Furnizuesit të Energjisë Elektrike sipas Legjislacionit në fuqi. Në Republikën e Shqipërisë.

2.2 I Licensuari nuk do të vendosë për klientët e tij pagesa të ndryshme nga ato të aprovuara nga ERE sipas Legjislacionit në fuqi.

2.3 I Licensuari nuk do të pengojë, parandalojë ose të tentojë të parandalojë të licensuarit e tjerë ose pjesëmarrësit potencialë ose konkurentet që të angazhohen ose të hyjnë në biznesin e furnizimit apo në aktivitete të tjera në sektorin e energjisë elektrike në Republikën e Shqipërisë;

2.4 I Licensuari nuk do të përfshihet në Nder-Subvencionime. Nëse i Licensuari është një kompani vertikalisht e integruar elektroenergjitike, do t’i ndajë llogaritë e tij financiare sipas aktiviteteve të prodhimit dhe shpërndarjes brenda afatit të kërkuar nga Legjislacioni në fuqi për të mundësuar që ERE të konkludojë se nuk ka ndër-subvencionime, aktivitete anti-konkurrencë ose diskriminim.

2.5 I Licensuari nuk do të përfshihet në asnjë formë aktiviteti monopol ose anti-konkurrencë të ndaluar nga Legjislacioni në fuqi ose Rregulloret dhe Rregullat e miratuara nga ERE dhe Autoriteti i Konkurrencës.

2.6 Brenda datës 31 Janar të çdo viti, i Licensuari do t’i dërgojë ERE-s një informacion dhe deklaratë me shkrim për kryerjen e aktivitetit gjatë vitit paraardhës dhe përmbushjes së kuadrit ligjor në sektorin e energjisë elektrike.

2.7 I Licensuari nuk do të bashkëpunojë me persona të tjerë për të dëmtuar interesat të licensuarve ose klienteve të energjisë elektrike.



2.8 I Liçensuari do t'a kryejë Aktivitetin e Licensuar në përputhje me parimet e transparencës, të përcaktuara legjislativisht në fuqi.

2.9 I Liçensuari që do të angazhohet në aktivitete të tjera të ndryshme nga Aktiviteti për të cilin është liçensuar duhet të informojë ERE-n në rastet kur synon të:

- a) angazhohet në aktivitete tjeter përveç aktivitetit të liçensuar; ose
- b) të ngrejë një Biznes Shoqëruar.

2.10 ERE mund ta ndalojë angazhimin në një aktivitet tjetër ose të vendosë kushte të veçanta për ngritjen e Bizneseve Shoqëruarë të nevojshem për të mbrojtur interesat e konsumatorëve. Në rast se i licencuari nuk përmbush kërkesat e përcaktuara nga ERE, ndaj tij mund të merren masa administrative sipas ligjit nr. 43/2015 "Për Sektorin e Energjisë Elektrike", përfshirë heqjen e licencës

2.11 I Liçensuari është i autorizuar të vendosë pagesa të aprovuara nga ERE.

2.12 I Liçensuari nuk është përgjegjës për mos-përmbushjen e Kushteve të Licencës në rast të një Force Madhore deri në atë shkallë sa Forca Madhore është shkaku për këtë mos-përmbushje të Kushteve të Liçencës. Në këtë rast, i Licensuari duhet të njoftojë menjëherë ERE-n dhe të licensuarit e tjerë ose konsumatorët me të cilët i Licensuari ka lidhur marrëveshje.

3. Detyrimet e të Liçensuarit

3.1. I Liçensuari është i detyruar të zbatojë Legjislativisht në fuqi dhe gjithë Vendimet e Qeverisë dhe Rregulloret e Rregullat e miratuara nga ERE.

Furnizuesi, në zbatim të kësaj license, ka detyrimin të furnizojë klientët me energji elektrike, në përputhje me kontratën e nënshkruar, në mënyrë të sigurt, të besueshme dhe efikase.

3.2. Furnizuesi është përgjegjës përballë Operatorit të Sistemit të Transmetimit për çdo disbalancë të shkaktuar. Përveç rasteve kur Këshilli i Ministrave ka vendosur për përjashtimin nga përgjegjësia për disbalancat, Klientët fundorë janë përgjegjës përballë furnizuesit për disbalancat e shkaktuara, sipas akteve nënligjore të miratuara nga ERE për rregullat e balancimit.

3.3 Furnizuesi, përveç detyrimeve të përgjithshme, të përcaktuara në kontratë, dhe në Kushtet e përgjithshme për vendosjen e detyrimeve të shërbimit publik të siguruar nga pjestari i tregut i ngarkuar me detyrimin e shërbimit publik, informon klientët e tij për:

- a) të drejtën e tyre për të zgjedhur dhe për të ndryshuar pa pagesë furnizuesin, pasi kanë ekzekutuar të gjitha detyrimet e mëparshme të energjisë elektrike;
- b) konsumin dhe kostot aktuale të energjisë elektrike, me qëllim mundësimin e menaxhimit të konsumit të energjisë nga ana e klientëve;



c) mënyrat e ndryshme të pagesës, të cilat nuk duhet të jenë diskriminuese midis klientëve. Sistemet e parapagimit, nëse do të aplikohen, duhet të jenë të drejta dhe të reflektojnë konsumin e pritshëm;

ç) mundësinë e përdorimit të procedurave të thjeshta për ndjekjen e ankesave të tyre;

d) ndryshimin e kushteve të kontratës të paktën 15 ditë përpara zbatimit të tyre, duke përfshirë informacionin në lidhje me të drejtën e klientëve për të zgjidhur në mënyrë të njëanshme kontratën e furnizimit, me dhënien e njoftimit;

dh) të dhënat e konsumit të tij, duke i mundësuar çdo klienti akses në leximin e aparatit të matjes dhe ndaj të dhënave të matjes, në bazë të një marrëveshjeje të qartë dhe pa pagesë;

e) të drejtat e tyre, në përputhje me udhëzuesin e miratuar nga Komiteti i Energjisë.

3.4. Furnizuesit nëpërmjet faturës së konsumit të energjisë elektrike dhe/apo materialeve promovuese, informon në mënyrë të qartë klientët për:

a) konsumin faktik të energjisë elektrike

b) të dhëna për çdo burim energjie të siguruar nga furnizuesi gjatë vitit të mëparshëm;

c) elementet përbërëse të çmimit dhe kostot përkatëse;

c) të dhënat për ndikimin në mjedis të gazit karbonik dhe mbeturinave radioaktive të emetuara gjatë prodhimit të energjisë elektrike, të siguruar nga furnizuesi në vitin e mëparshëm.

3.5. I licensuari i ngarkuar sipas ligjit me detyrimin për shërbimin universal do të sigurojë furnizimin me energji elektrike me çmime të rregulluara nga ERE vetëm për klientët fundorë që furnizohen sipas shërbimit universal të furnizimit, sipas parashikimit të nenit 83, pika 1 të ligjit nr 43/2015 "Për Sektorin e Energjisë Elektrike.

3.6. I licensuari i caktuar sipas ligjit si Furnizuesi i mundësisë së fundit është i detyruar të furnizojë klientët, të cilët mbeten pa furnizues, pas paraqitjes së kërkesës me shkrim kur:

a) furnizuesi i mëparshëm është në kushtet e paaftësisë paguese ose është në proces falimentimi;

b) furnizuesit të mëparshëm i është hequr ose i është pezulluar përkohësisht licenca;

c) klienti nuk ka arritur të gjejë një furnizues në treg.

3.7. Çmimi, me të cilin furnizuesi i mundësisë së fundit furnizon me energji elektrike, përcaktohet nga ERE sipas metodologjisë së miratuar prej saj, në përputhje me përcaktimet e neneve 21 dhe 79, pika 4 e ligjit.

3.8. të klientit fundor dhe pa kosto shtesë për të. Furnizuesi aktual është i detyruar të furnizojë klientin fundor deri në ndryshimin e furnizuesit.

4. Llogaritë dhe Raportimi

4.1. I Licensuari do të mbajë regjistra llogarie dhe do të përgatisë bilance financiare, të cilat do të mbahen të ndara për Aktivitetin e Licensuar dhe çdo aktivitet tjetër (përfshirë aktivitete të tjera të licensuara) ku është angazhuar i Licensuari, në përputhje me rregullat e



kontabilitetit dhe procedurat e miratuara nga ERE dhe në përputhje me Ligjin 43/2015 “Per Sektorin e energjise elektrike”. I Licensuari do t’i dorëzojë ERE-s bilance financiare vjetore deri në datën 31 Mars të çdo viti.

4.2. Nëse i Licensuari parashikon një situatë emergjence siç percaktohet nga Legjislacioni në fuqi, i Licensuari do të njoftoje pa vonesë ERE-n dhe ky njoftim do të përshkruajë çfarë masash do të marrë i Licensuari për të parandaluar ose përmirësuar ndikimet e situatës emergjente të parashikuar.

4.3. I Licensuari do të ndajë shpenzimet e përbashkëta mes Aktivitetit të tij të Licensuar dhe tipeve të tjera të aktiviteteve, në përputhje me Rregulloret dhe Rregullat e ERE-s. I Licensuari do t’i paraqesë ERE-s, me kërkesën e tij, në formën dhe në afatin e vendosur nga ERE, dokumentacionin që vendos bazat për ndarjen e shpenzimeve të përbashkëta mes aktiviteteve që do të ushtrohen, si dhe rezultatet e arritura pas kësaj ndarje.

4.4. I Licensuari do të njoftoje ERE-n brenda 10 diteve për çdo ndryshim të:

- a) adresës;
- b) statutit të Licensuarit;
- c) çertifikatës së regjistrimit;
- d) kodit fiskal;
- e) organet kryesore drejtuese; ose
- f) strukturës së biznesit të licensuar me mbi 10%.

Nëse i Licensuari nuk e bën këtë njoftim, ERE mund të vendosë gjoba në përputhje me ligjin 43/2015 “Per Sektorin e Energjise Elektrike” si dhe Rregulloren për vendosjen e gjobave dhe kushtet e lehtësimit prej tyre.

4.5. Gjithë njoftimet zyrtare, aplikimet, petitionet, pretendimet ose korrespondenca tjetër me ERE-n lidhur me Licencën duhet të jetë me shkrim dhe të nënshkuara respektivisht nga një zyrtar i autorizuar ose perfaqesues ligjor i caktuar i Licensuarit ose ERE-s, dhe të dërgohet me korrier ose poste të regjistruar, duke kërkuar një verifikim të fletës së marrjes. Adresat e Paleve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të dërguesit, nga momenti i prezantimit.

4.6. I licensuari do të dërgojë në ERE informacion Periodik lidhur me:

- i. Shpenzimet dhe të ardhurat operative (mujore dhe në progresion 3-mujor);
- ii. Pasqyra Cash-Flow (mujore dhe progresive);
- iii. Tabela e energjise elektrike të furnizuar (mujore dhe progresive);
- iv. Çdo informacion të kërkuar rast pas rasti nga ERE;
- v. Numrin e Klientëve të furnizuar (mujore dhe progresive);
- vi. Grafikët e ngrakesës;



- vii. Sistemet e matjes;
- viii. Të dhëna mbi ankesat e regjistruara, trajtimin dhe korrektimeve në faturimet përkatëse objekt ankimi (muajore dhe progresive).

5. Përdorimi i Informacionit

5.1 Liçensuari do të sigurojë që çdo informacion i marrë si rezultat i Aktivitetit të tij të Liçensuar nuk do të jepet askujt, me përjashtim të rasteve kur:

- a) jepet pëlqim paraprak me shkrim i Personit me të cilin lidhet informacioni;
- b) informacioni është bërë publik;
- c) kur të Liçensuarit i kërkohet ose lejohet të përhapë informacionin për të përmbushur Kushtet e kësaj Licence sipas një urdhri të ERE-s, ose çdo dispozite ligjore të aplikueshme;
- d) informacioni duhet përhapur në funksion të kryerjes së aktivitetit të Liçensuar.

5.1.1 I Liçensuari do të sigurojë që çdo Biznes Shoqërues nuk do të përdorë asnjë informacion të të Liçensuarit për të fituar një avantazh konkurrues të pajustificuar dhe do të sigurojë që nuk do të përhapë asnjë informacion tek ndonjë Person tjetër (përfshirë Biznese të tjerë Shoqërues) që mund ta mundësojnë këtë Person të fitojë çdo lloj përfitimi komercial të pajustificuar.

5.2 I Liçensuari do të ndermarre çdo hap të nevojshëm për ta ruajtur konfidencial informacionin në posedim të tij dhe për t'i raportuar ERE-s në perputhje me detyrimet Ligjore.

5.2.1 Informacioni i dërguar ERE-s nga i Liçensuari do të konsiderohet publik me përjashtim të rasteve kur me kërkesë specifike të të Liçensuarit, ERE me vendim përcakton që ky informacion është i natyrës pronësore dhe përhapja e tij nuk i shërben interesit publik.

5.2.2 I Liçensuari nuk do të hyjë në marrëveshje të cilat i Liçensuari e di ose duhet ta dije që çojnë në shkelje të Kushteve të Liçences.

5.2.3 I Liçensuari do të respektojë Ligjet dhe Vendimet e Qeverisë së Republikës së Shqipërisë dhe Rregulloret e Rregullat e ERE-s.

6. Pagesat e Rregullimit

6.1 I Liçensuari do t'i paguajë ERE-s pagesa rregullimi në mënyrë të rregullt dhe të vazhdueshme gjatë afatit të kësaj Licence siç përcaktohet nga ERE në rregulloren për pagesat e rregullimit siç është përcaktuar në nenin 17 të ligjit 43/2015 "Për sektorin e energjisë elektrike".



6.2 Nëse i Liçensuari nuk i paguan ERE-s pagesat e rregullimit brenda afatit të përcaktuar nga ERE, i Licensuari do të penalizohet në përputhje me Ligjit Nr.43/2015 “Për Sektorin e Energjisë Elektrike”.

7. Kontrolli mbi Kryerjen e Aktivitetit të Liçensuar

7.1. ERE do të monitorojë zbatimin nga i Liçensuari të Kushteve të Licencimit, do të shqyrtojë raportet e marra nga i Licensuari dhe në çdo kohë pas njoftimit, është i autorizuar të inspektojë asetet ose regjistrimet e llogarive dhe mund të kërkojë një auditim teknik dhe/ose kontabel të aktiviteteve të Licensuarit.

7.2. Përfaqësuesit e autorizuar të ERE-s kanë të drejtë të hyjnë në ndërtesat e të Licensuarit, pajisjet dhe dokumentat për të monitoruar Aktivitetin e Liçensuar në përputhje me Rregulloret dhe Rregullat e ERE-s. I Licensuari do të sigurojë çdo informacion ose dokument të kërkuar, të nevojshme për ERE-n gjatë këtij monitorimi.

7.3. Në baze të ankesës së vërtetuar të çdo Personi të tretë ose në bazë të vetë propozimit të tij, ERE mund të nisë një hetim për zbatimin e Kushteve të Licencës ose Rregulloreve dhe Rregullave të ERE-s, përfshirë shqyrtimin e praktikave të biznesit nga të Licensuarit lidhur me Aktivitetin e Licensuar.

7.4. Nëse pas hetimit, ERE konkludon se i Licensuari nuk ka zbatuar Kushtet e Licences dhe legjislacionin në fuqi. ERE mund të korigjojë tarifën e të Liçensuarit të ngarkur me përgjigjesinë e Furnizuesit Universal dhe/ose të ndërmarrë masa të tjera ndaj të licensuarit sipas kësaj licence me qëllim që të mbrojë interesat e konsumatorëve të energjisë elektrike, duke ndërhshkuar atë me gjobë e deri në heqjen e kësaj Licence.

7.5. I Licensuari do të informojë ERE-n për çdo shkelje të këtyre Kushteve të Licencës dhe legjislacionit në fuqi brenda një jave që kjo shkelje i bëhet e njohur të Licensuarit.

7.6. I Licensuari do të zbatojë të gjitha urdhërimet apo vendimet e nxjerra nga ERE, përfshirë pagesën e plotë të gjobave të vendosura nga ERE.

8. Amendimi i Licencës

8.1. ERE mund të amendojë Kushtet e Licences në rast se ato nuk përputhen me:

- a) Legjislacionin në fuqi dhe Vendimet e Qeverisë së Republikës së Shqipërisë që janë në përputhje me Legjislacionin në fuqi;
- b) Vendimet e nxjerra nga Gjykata e Shkallës së Parë Tiranë ose një Gjykatë tjetër Shqiptare me kompetencë juridiksionale.



8.2 Në çdo kohë i Licensuari cse ERE mund të propozojnë amendime të tjere për këto Kushte Licence, duke i transmetuar palës tjetër një propozim me shkrim, së bashku me dokumentet mbështetëse.

8.3 ERE do të marrë vendimin përfundimtar vetëm pasi të marrë në konsideratë interesat e konsumatorëve dhe të licensuarve të tjerë. Palët e interesuara do të informohen me shkrim për çdo amendim të propozuar. Nëse ERE dhe i Licensuari arrijnë një marrëveshje për këto amendime, Kushtet e Licences do të amendohen. Nëse marrëveshja nuk arrihet, i Licensuari mund të apelojë në Gjykatën e Shkallës së Parë Tiranë.

8.4 Amendimet e bëra në Kushtet e Licencës do të publikohen në Fletoren Zyrtare të Republikës së Shqipërisë tridhjetë (30) ditë para se të hyjnë në fuqi.

9. Përfundimi i Licencës

9.1. ERE mund ta përfundojë Licencën në përputhje me Ligjin 43/2015

“Për Sektorin e Energjisë Elektrike” dhe Rregulloret dhe Rregullat e ERE-s

kur:

- a. i Licensuari kërkon revokimin e licences;
- b. i Licensuari shkel Kushtet e Licences;
- c. i Licensuari shkel Legjislacionin në fuqi;
- d. i Licensuari deklarohet i falimentuar dhe është i paafte të permbushë detyrimet e Kushteve të Licences;
- e. i Licensuari ka marrë licencë duke mashtruar.
- f. kur kontraktin me të treta për dhenien e shërbimit sipas aktivitetit të licensuar,

9.2. Nëse i Licensuari ndryshon statusin e tij ligjor ose aksioneri/ortaku që kontrollon interesin ndryshohet pa autorizimin e ERE-s, Licenca bëhet nul (e pavlefshme) ose anulohet dhe pasuesi i të Licensuarit do të aplikojë për një licencë të re në përputhje me procedurat e ERE-s për dhënie licence.

10. Zgjidhja e Mosmarrëveshjeve dhe e Drejta për Apelim

10.1. Çdo çështje e diskutueshme ose kërkesë mes të Licensuarit dhe çdo Pjesëmarrësi Tregu do të zgjidhet sa më shumë që të jetë e mundur me mirëkuptim, në përputhje me Legjislacionin në fuqi dhe Rregulloret dhe Rregullat e ERE-s.

10.2. Nëse zgjidhja nuk arrihet me mirëkuptim, atëherë ERE në baze të kërkesës së çdo Personi që është palë në këtë mosmarrëveshje do ta zgjidhë mosmarrëveshjen dhe do të nxjerrë vendimin e tij në përputhje me Legjislacionin në fuqi dhe Rregulloret dhe Rregullat e saj.

10.3. I Licensuari mund të apelojë kundër vendimeve të ERE-s në Gjykatën Administrative Tiranë.

